



## Universitätsbibliothek Paderborn

**Decisiones Practicæ Casuum Conscientiæ Selectorum In  
Praxi, Et Foro Interno Quotidie Occurrentium,  
Omnibusque, Præsertim Ecclesiasticis, Qui Sui, Et Aliorum  
Curam Gerunt, Perutilium, Resolutorum**

Pars Altera Decisionum Practicarum Casuum Conscientiæ Selectorum In  
Praxi, Et Foro Interno Quotidie Occurrentium, Omnibusque, Præsertim  
Ecclesiasticis, Qui Sui, Et Aliorum Curam Gerunt, Perutilium, Resolutorum

**Leonardelli, Bonaventura**

**Augustæ Vindelicorum ; Græcii, 1739**

Q. 1. An tale matrimonium validum sit?

**urn:nbn:de:hbz:466:1-41144**

## C A S U S LXXII.

*De sponsalibus, & matrimonio invitis parentibus à filio contractis.*

**T**Urrillus nobilis Iuenis Susannæ amore captus sponsalia cum ea contrahit, inconsultis, & invitis parentibus, qui ut filii matrimonium impedian, Episcopum rogant, ut Parocho prohibeat, ne tali matrimonio assistat, qua prohibitione ab Episcopo facta, eaque non obstante, Parochus tamen eos matrimonio conjungit.

**QUÆR. I.** An tale matrimonium validum sit?

**QUÆR. II.** An filius absque iusta causa iniens matrimonium inconsultis, & invitis parentibus, peccet lethaliter?

**QUÆR. III.** Quomodo, & quando peccent parentes filiorum Matrimonia impedientes, & an Excommunicationem incurvant, latam à Trid. in impedientes injustè Matrimonia?

447 **A**D. I. Q. Videtur matrimonium contra eam Episcopi prohibitionem contrarium non valere. Ratio est. I. Quia contra superioris prohibitionem licentia inferioris prævalere nec potest, nec debet: ergo ex licentia alias sibi concessa non poterit Parochus contra prohibitionem Episcopi tali matrimonio valide assistere. Quod

Confirmatur; quia sicut si ipse

Parochus daret licentiam assistendi privato Sacerdoti ab Episcopo non approbato, & Episcopus eam licentiam revocaret, & hoc non obstante matrimonio assistet, non valeret matrimonium, sicut si Parochus eam revocaret; potentior est enim revocatio Episcopi tanquam superioris Parochi: ergo idem est, quando contra prohibitionem Episcopi Parochus dat licentiam assistendi, vel ipsemet assistit matrimonio.

Kk k 3 Prob.

Prob. 2. Quia potest Episcopus prohibere Parocho, ne validè absolvat ab aliquo peccato: ergo idem poterit etiam in casu posito; quia sicut Parochus habet à jure, ut possit assistere matrimonio contrahendo, ita etiam habet à jure potestatem absolvendi à peccatis: ergo, si hoc non obstante, potest Episcopus prohibere prius, poterit & posterius. Nihilominus.

Dicendum est, tale matrimonium, cui Parochus contra prohibitionem Episcopi assistit, validum esse. Ita Henr. l. 11. cap. 3. n. 4. Sanch. de Matrim. l. 3. D. 32. Filluc. tr. 10. cap. 6. q. 6. n. 215. Reginald. lib. 3. v. 179. Petr. Ledesm. Gutier. aliique communiter, & ita declarasse Sacram Congreg. Cardinalium refert cum aliis Salzedo præt. cap. 73. §. Primum dubium. Ratio est; quia per solam simplicem prohibitionem Episcopi nullatenus censetur sublata potestas Parochi à jure eidem concessa, ut colligitur ex cap. 2. de Matrimonio contrahendo contra interdict. Eccles. Ubi dicitur: Licet enim contra interdictum Ecclesie ad secunda vota transire non debuerit, non tamen est conveniens, ut ob id solum Sacramentum conjugii dissolvatur. Per quem textum Dec. c. 2. de testib. n. 17. & Rota in novissimis, decis. 750. n. 3. docent, esse speciale in Matrimonio, illud minimè irritum reddi ex simplici prohibitione: ergo quamvis Epis-

copus simpliciter prohibeat, minime irritabitur Matrimonium, saltem nisi decretum irritans addat. Quod

Conf. Licet per Trident. Seff. 24. c. 7. de matr. prohibitum sit Parochis, ne assistant vagorum matrimonii, nisi præmissa diligenti informatione, & petita Episcopi licentia, si tamen iis non præmissis assistant eorum Matrimonii, valida hæc sunt, ut pluribus probat citt. Sanch. quia ad essentiam Matrimonii tantum requiritur praesentia Parochi cum 2. testibus; Tridentinum verò ibi eam diligentiam exigit duntaxat ad eundem finem pro vagabundis, ad quem pro indigenis præmitti petit denuntiationes: quibus tamen omissis valet Matrimonium: ergo & omissa ea diligentia, & licentia. Si ergo non esset irritum Matrimonium, si Parochus contra eam Concilii prohibitionem aliquos Matrimonio conjungeret, à fortiori illud non reddit irritum simplex Episcopi prohibitio. Dixi supra saltem nisi decretum irritans addat; nam si Episcopus non solum interdiceret Parocho, ne tali matrimonio assistat, sed etiam adderet clausulam irritantem ipso facto tale Matrimonium, si secùs factum fuerit, controversum, & dubium est inter DD. an validum foret tale matrimonium. Resolutio hujus dubii pendet ex eo, an Episcopus vi sui muneris impedimenta Ma-

trimonii inducere, & apponere possit? Ubi affirmant alii cum Sanch. I. c. Pontio, Turrian. Villalob. Hurtad. & alii, quos citat, & sequitur Leand. tom. 2. de *Sacramen.* D. 9. tr. 9. q. 5. Negant alii cum Suarez. de *Cens.* tom. 5. D. 7. S. 4. Diana tr. 13. R. 23. Coninck D. 30. dub. 1. alisque.

Hodie tamen (quid quid sit de jure) satis certum est, teste Diana, Episcopos non posse impedimenta Matrimonii constituere, quia potestas apponendi impedimenta jam reservata est Summo Pontifici, ut ifatetur ipsem Leand. cum aliis citt. apud eundem Dian. Unde

Ad argumenta in contrarium allata R. Ad 1. Id verum esse, quando Superior potest, & per suum præceptum intendit annulare actum ab inferiore contra gestum, secùs si id non intendat, prout non intendere censetur Episcopus per simplicem suam prohibitionem, ut colligitur ex supra dictis; multa enim prohibent fieri, quæ tamen facta tenent, C. *Ad Apostol.* de reg.

Ad Conf. R. N. Conseqnam eo ipso quod à Sacerdote privato, habente licentiam afflendi, Episcopus licentiam auferat, manifestè intendit, ut actus contra gestus irritus sit, cum ille omnino maneat persona privata,

nec eam licentiam habeat ex officio, & jure, prout tamen eam habet Parochus ex Officio, & tanquam persona publica, quæ proin per simplex præceptum ab eo non censetur auferri.

Ad 2. R. N. parit. disparitas est, quod cum Episcopus jure permittente possit sibi aliquos casus reservare, etiam respectu Parochorum, eo ipso, quod prohibeat alicujus casus ablolutionem cum clausula irritante, censetur in actu exercito illum casum sibi reservare, & limitare in hoc Parochi jurisdictionem. Secùs est in casu Matrimonii posito, ubi per simplicem prohibitionem non censetur Episcopus potestatem à jure concessam Parocho auferre, nec ullo jure probatur, posse Episcopum Matrimonium irritum reddere, supposito, quod fiat cum omnibus solemnitatibus ab Ecclesia præscriptis.

Ad 2. Q. An filius, invitatis, & 409 inconsultis parentibus contrahens Matrimonium, delinquit lethali ter? Affirmative respondent Sotus 2. d. 18. q. 1. a. 1. fin. Navar. 3. Summ. c. 14. n. 15. Bellarm. 1. 1. de matrim. c. 19. propos. 3. Fagund. 1. 4. in Decalog. c. 4. Salon. Lud. Lop. alique complures cum Molin. D. 176. & Toret. 1. 5. c. 1. cum hac limitatione: si nempe filius indignam ducat contra parentis voluntatem.

Ratio.